

ZARAUZKO UDALBATZARREAN AURKEZTUKO DEN PROPOSAMEN ETA KONPROMISOEN ZERRENDA

Zarauzko Eskolen Arteko Foroan aukeraturiko herriaren egoera hobetzeko sortu diren proposamen guztiak aztertuta eta errepikapenak ekiditeko helburuarekin, Udalbatzarrean aurkeztuko diren proposamenak zehaztu dira. Ikus:

1. PROPOSAMENA:

Antoniano Ikastetxea, Lehen Hezkuntza:

Hondartzan ikusten den zaborra aztertu ondoren konturatu gara ageri diren hondakin ugariak plastikozkoak direla. Beraz: **plastikozko poltsen erabilera murriztea. Debekatzea. Ez ekoiztea gehiago. Ordezko poltsen erabilera sustatu kanpainen bidez. Bizilagunei erosketak egiteko ordezko poltsatxoak eskaini.** Konpromisoa: plastikozko bilgarririk gabeko produktuak kontsumitu. Bertako sasoiko produktu osasuntsuak.

Antoniano Ikastetxea, Derrigorrezko Bigarren Hezkuntza:

Hondakin kopurua murriztu egin behar da. Beraz: **Horretarako, herriko erosketetan oihalezko poltsak banatzea proposatzen dugu.** Konpromisoa: Gure aldetik, hamaiketarako aluminiozko eta plastikozko poltsen ordez, kantinplora eta tuperrak erabiltzera konprometitzen gara.

**Lehen Hezkuntzan ere antzeko proposamen bat aukeratua izan denez, hari jarraika aurkeztuko dute Udalbatzarrean Bigarren Hezkuntzakoek.*

2. PROPOSAMENA:

La Salle Ikastetxea, Lehen Hezkuntza:

Hondartzan ikusten den zaborra aztertu ondoren konturatu gara ageri diren hondakin ugariak plastikozkoak direla. Beraz: **sentsibilizazio kanpaina gehiago egin. Esaterako, hondartza eta mendia garbitu, eta birziklatzearen beharra aldarrikatu komunikabideetan gizarteak kontzientzia har dezan.** Konpromisoa: ogitartekoak biltzeko aluminiozko papera ez dugu erabiliko. Oihalezko poltsatxoak erabiliko ditugu (bokanrola). Ontzi arinak eta plastikozko poltsak birziklatu egingo ditugu.

Salbatore Mitxelena Ikastola, Derrigorrezko Bigarren Hezkuntza:

Planeta zaintzen ez badugu gure ondorengoek ez dute bizi kalitate duina edukiko. Beraz: **gure proposamena da kontzientzia burutzea herri mailan, eskoletan, enpresetan nahiz merkataritzan.** Konpromisoa: Gure aldetik, eskolan ahal dugun guztia birziklatzeko konpromisoa hartuko dugu.

**Lehen Hezkuntzan ere antzeko proposamen bat aukeratua izan denez, hari jarraika aurkeztuko dute Udalbatzarrean Bigarren Hezkuntzakoek.*

3. PROPOSAMENA:

Orokieta Herri Eskola, Lehen Hezkuntza:

Parkeetako zaborrak bereizteko ontziak askotan beteak egoten dira. Beraz: **parkeetako zakarrak bereizteko ontzi hauek maizago hustea proposatzen dugu**. Bestetik, **parkeetan (Lagunak, Torre Luzea, Villa Mundakoa, Salbidekoa...) edukiontzi desberdinak jartzea eta denak elkarren ondoan**. Konpromisoa: gure aldetik, zaborrik lurrera ez botatzeko eta dagokion ontzian uzteko konpromisoa hartzen dugu. Eskolara ekartzen dugun hamaiketakoak ahalik eta hondakin gutxien sortzeko saiakera ere egingo dugu. Zaborrak edukiontzi egokietara botatzera konprometitzen gara. Kaleak txukun mantenduko ditugu eta zakarrontziak gehiago erabiliko ditugu.

4. PROPOSAMENA:

Salbatore Mitxelena Ikastola, Lehen Hezkuntza:

Denok sortzen ditugu hondakinak. Ondorioz, denon ardura izango da gai honetan aurrera pausoak ematea. Beraz: **zergak murriztu birziklatzen dutenei**. Konpromisoa: oihalezko poltsak erabili erosketak egiterakoan.

Lizardi Institutua, Derrigorrezko Bigarren Hezkuntza:

Hondakin asko sortzen ditugu jendearen utzikeriagatik. Beraz: **Gure proposamena da birziklatzea derrigorrezkoa izatea eta hondakinak lurrera botatzen dutenei isunak jartzea. Beste herrialde batzuetan bezala, birziklatzen dutenei zergak jaitea ere proposatzen dugu**. Gure aldetik, bakoitzak gure ardura eta gauzak berrerabiltzen saiatzeko konpromisoa hartzen dugu.

**Lehen Hezkuntzan ere antzeko proposamen bat aukeratua izan denez, hari jarraika aurkeztuko dute Udalbatzarrean Bigarren Hezkuntzakoek.*

5. PROPOSAMENA:

La Salle Ikastetxea, Derrigorrezko Bigarren Hezkuntza:

Erosketak egiteko momentuan edukiontzi gehiegi ematen dizkigute. Beraz: **Gure proposamena da Garbigunera eraman beharreko objektu txikiak jasotzeko lekuren bat jartzea herri barnean (CD, toner, bonbilla...)**. Konprometitzen gara gure familiak informatzera eta etxean birziklapena bultzatzera.

6. PROPOSAMENA:

Oteitza Lizeoa, Bigarren Hezkuntza:

Ez gara konturatzen sortzen ari garen kalteaz, ez gara kontziente itsasoko egoeraz. Beraz: **Gure proposamena da noizean behin eskoletatik hondartza garbitzera joateko txangoak burutzea. Ez da nahikoa urtean behin joatearekin**. Konpromisoa: Gure aldetik, hondartzetan pilatzen den zaborra berrerabiliz proiektuak burutzeko konpromisoa hartuko dugu.